



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 1. Qui poßint interdicere, & qui interdici.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

⁹
3. Effectus, prohibito
prohibitio
sepulture
sacrae.
Tertium, Quod prohibetur, est sepultura in loco sacro: Cap. *Vt priuilegia*, de Priuilegijs. Vbi Nota Primò: Non comprehendit Clericos, quia possunt tunc sine solenitate & sonitu campanarum sepeliri, idque vel in cæmeterio, vel Ecclesiâ. Vide Couar. §. 2. num. 7.

Nota Secundò: Omnes eos, qui possunt tempore Interdicti audire Missam, posse etiam sepeliri in loco sacro. Nam cui communicamus viuo, possumus etiam communicare defuncto. Nauar. num. 181.

CAPVT III.

De potestate Interdicti, eiusque obligatione.

DVBIVM I.

Qui possint interdicere, & qui interdicunt?

¹⁰
R Espondeo & Dico Primò: Omnes eos possunt interdicere, qui ex potestate ordinaria vel delegatâ possunt excommunicare. Ita communiter Doctores.

Dico Secundò: Non solum singula personæ, sed etiam communites, & loca interdicto subiecti possunt. Patet ex vnu Ecclesiæ.

DVBIVM II.

Vtrum is, qui sententiam Interdicti protulit, senetur illud seruare?

¹¹
E Xempli gratia, Si Episcopus subiiciat Interdicto omnes Ecclesiæ huius vrbis, vtrum ipse possit apertis ianuis &c. celebrare?

Nisi seruer, incurrit penas Iu. 165. Respondeo: Teneri seruare: quod si non seruet, incurre poenas Iuris. Ita Nauar. num. 165. sicuti etiam tenetur seruare excommunicationem à se latam. Ratio est: Quia ius commune præcipit censuram seruari. Vnde iure communis ligatur, non autem propriâ suâ sententiâ: sed hęc est solum conditio, sine qua non obligaretur.

Aduerte tamen, Episcopum posse relaxare, vel suspendere illud interdictum; & tunc nec ipse tenetur nec alij.

DVBIVM III.

Vtrum omne Interdictum sit seruandum?

¹²
Setua Interdictum personale. R Espondeo & Dico Primò: Omne interdictum personale, siue sit denuntiatum, siue non denuntiatum, siue à iure, siue ab homine proueniens, est seruandum ab eo, qui sic est interdictus. Est sententia Communis DD. Ratio est: Quia per Extrauagantem, Ad euitandam, non subleuantur ipsi interdicti in aliquo: vnde ius anti-quum in illis vim habet.

Item Interdictum locale de-nuntiatum. Dico Secundò: Nullum interdictum locale est seruandum, nisi sit denuntiatum; vt docet Nauar. num. 187. & colligitur manifestè Extrauagante Ad euitandam. Quod fit, vt nullum locale interdictum incurritur à iure, sed solum per sententiam, vel certę denuntiationem.

Dico Tertiò: Sacerdos & quiuis alias Clericus in obeundo diuino officio non tenetur vitare, aut excludere aliquem interdictum speciatim vel generatim, nisi denuntiatum; vt patet eadem Extrauagante.

DVBIVM IV.

Quale peccatum sit violare interdictum?

¹³
R Espondeo & Dico Primò: Violatio interdicti in Clericis est peccati mortale: quod Clericus est contra Caietanum. Ita Nauar. nu. 187. & violans, Sotus d. 22. q. 3. art. 1. Ratio est: quia est violatio peccati Præcepti Ecclesiæ in re graui, cui etiam pena gravis in iure constituta est.

Violat autem Clericus interdictum tripliciter. Primò: Cūm ipse, generatim vel speciatim interdictus, facit alij actum Ordinis sacri, à quo est interdictus. Secundò: Si Sacramentum prohibitum recipiat; scilicet Eucharistiam, extremam Unctionem, vel Ordinem. Tertiò: Si solemniter obeat actum Ordinis sacri in loco, qui de interdicto est denuntiatus, etiamsi ipse personaliter non sit interdictus.

Dico Secundò: Laicus personaliter interdictus, siue speciatim, siue generatim, peccat mortaliter audiendo sacram, aliae diuina officia: si milititer percipiendo Eucharistiam, aut extremam Unctionem; quod est contra Caietanum, qui putat solum peccare venialiter: cuius sententia non est improbabilis, si loquamur de eo qui generatim est interdictus, nec Interdicto causam dedit. Verum altera sententia est communis, saltem quoad alios interdictos. Vide Nauarrum & Sotum suprà. Et Confirmatur: vt si interdictus iussus à Clerico vt exeat Ecclesiæ, non obtemperet, ipso facto incurrit excommunicationem; vt patet in Clementina Graus, de Sententia excommunicationis.

Dico Tertiò: Si locus tantum sit interdictus, Non tamē, Laicus audiens ibi Sacrum, nō peccat mortiferè. si locus Nauar. num. 187. Caietanus suprà, & alij. Ratio tantum sit interdictus est: quia in Interdicto locali præceptum non imponitur Laicos, sed Clericis, quibus mandatur, vt ibi seruent Interdictum, neque ianuas aperiant, aut Laicos admittant; vt patet Clementinā primā de sententia excommunicationis.

Peccant tamen Laici mortiferè: Primò, Si vi ingrediantur. Secundò, Si mendacio, vt si dicant casus, se esse Clericos, vel habere priuilegium: nam decipiunt Ecclesiæ. Ita multi Doctores. Contrarium tamen huius videtur verius: quia mendacium istud non est perniciosum, nec est deceptio in re magni momenti. Tertiò, Si nolint egredi, cūm id à Clericis præcipitur. Vide Nauarrum loco citato num. 187.

Dico Quartò: Clerici in celebratione diuinorum officiorum tenentur sub peccato mortiferō excludere interdictos, quos Iudex denuntiavit Clericus tenetur excludere interdictos. siue speciatim, siue generatim. Vide Couarruia §. 2. n. 3. Ratio est: quia id illis directè ab Ecclesia præcipitur, estque res magni ponderis: nam alioquin tota haec censura esset inanis.

Dico Quintò: Laici non tenentur vitare interdictos, et si denuntiatos, neque in diuinis, neque in humanis. Vnde possunt audire Missam Sacerdotis interdicti, & vnā cum alijs interdictis. Ita Nauar. & Caietan. suprà. Ratio est, quia nullum extat præceptum, quo Laici iubeantur communionem interdictorum vitare. Idemque censendum de Clericis, cūm se instar Laicoru gerunt: vt si audiant Sacrum, percipient Sacraenta, &c.